

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 244557 24 St  
Zenica, 08.07.2026. godine

Općinski sud u Zenici, stečajna sudija Samra Spahić-Drino, odlučujući o prijedlogu za zaključenje stečajnog postupka nad stečajnim dužnikom GP TEHNIKA INVEST d.o.o. u stečaju, sa sjedištem na adresi Kralja Tvrtka br. 2, Jelah, Tešanj, matični broj subjekta upisa 43-01-0236-18, JIB: 4219008770006, dana 08.07.2026. godine donio je:

#### RJEŠENJE

Pozivaju se povjerioci i zainteresovana lica da u roku od 30 dana od dana objavljivanja ovog rješenja uplate predjujam u iznosu od 3.000,00 KM na ime daljnijeg vođenja stečajnog postupka, nad stečajnim dužnikom GP TEHNIKA INVEST d.o.o. u stečaju, sa sjedištem na adresi Kralja Tvrtka br. 2, Jelah, Tešanj, matični broj subjekta upisa 43-01-0236-18, JIB: 4219008770006, na depozitni račun ovoga suda broj 134-010-0000044837 otvoren kod ASA banka d.d. Sarajevo, Poslovna jedinica Zenica te da po izvršenoj uplati predjuma sudu dostave uplatnicu kao dokaz da je uplata izvršena, s obzirom da stečajna masa nije dovoljna da pokrije troškove stečajnog postupka.

Ukoliko povjerioci i zainteresovana lica u navedenom roku ne uplate predjujam sud će donijeti rješenje o zaključenju stečajnog postupka nad imovinom stečajnog dužnika GP TEHNIKA INVEST d.o.o. u stečaju, sa sjedištem na adresi Kralja Tvrtka br. 2, Jelah, Tešanj, matični broj subjekta upisa 43-01-0236-18, JIB: 4219008770006, te po pravomoćnosti rješenja o zaključenju stečajnog postupka brisati ovo društva iz sudskog registra.

#### Obrazloženje

Na ročištu za zaključenje stečajnog postupka i skupštini povjerilaca nad stečajnim dužnikom GP TEHNIKA INVEST d.o.o. u stečaju, sa sjedištem na adresi Kralja Tvrtka br. 2, Jelah, Tešanj, matični broj subjekta upisa 43-01-0236-18, JIB: 4219008770006, koji su održani 08.07.2026. godine, stečajni upravnik je izjavio da je u toku trajanja postupka prijavljeno ukupno 394.429,40 KM potraživanja, koji iznos je u cjelosti priznat, od čega je iznos od 339.145,23 KM smješten u opšti isplatni red, 631,80 KM niži isplatni red, dok je za iznos 54.652,44 KM priznato pravo na odvojeno namirenje razlučnom povjeriocu KPU Zenica, a u toku postupka stečajna masa je unovčena za iznos od 6.250,00 KM, za što je stečajni upravnik dobio saglasnost imenovanog razlučnog povjerioca te je u skladu s čl. 168. Zakona o stečaju ostvareni iznos umanjen za troškove procjene vrijednosti stečajne mase, zatim troškove plaćenog PDV-a na postignutu cijenu te iznos od 10 % na postignutu prodajnu cijenu u iznosu od 625,00 KM, odnosno ukupno 1.733,12 KM, a razlučni povjerilac je namiren u iznosu od 4.516,88 KM, što iznosi 8,26 % od priznatog razlučnog prava navedenog povjerioca, što znači da nije namiren za iznos od 50.135,56 KM ili 91,74%, a nije bilo raspoloživih sredstava za izmirenje povjerilaca opšteg i nižeg isplatnog reda. Dalje je izjavio da stečajni dužnik više ne posjeduje stečajne mase predlaže zaključenje stečajnog postupka zbog nedostatka stečajne mase ni za namirenje troškova stečajnog postupka. Punomoćnica Porezna uprava FBiH, Kantonalni Porezni ured Zenica, Armina Dedić i punomoćnik povjerioca Almy d.o.o. Zenica Zilić Fahrudin izjavili su da se ne protive prijedlogu za zaključenje stečajnog postupka.

Sud je odlučio kao u izreci iz sljedećih razloga.

Kako stečajni dužnik ima obaveze, a nema više imovine, pa ni za pokriće troškove stečajnog postupka, to je sud primjenom odredbe člana 196. Zakona o stečaju postupku

(„Službene novine F BiH” broj: 53/21) pozvao povjerioci i zainteresovana lica da predjme dovoljan novčani iznos za nastavak stečajnog postupka i pokrivanje troškova stečajnog postupka, ukoliko su zainteresovani za vođenje stečajnog postupka. Visina troškova je određena shodno prijedlogu stečajnog upravnika te procjeni suda.

S obzirom na izloženo odlučeno je kao u izreci ovog rješenja primjenom navedenih odredbi, a ovim rješenjem povjerioci i zainteresovana lica su upozoreni na posljedice propuštanja postupanja po pozivu ovog suda.

**PRAVNA POUKA:**  
Protiv ovog rješenja nije  
dozvoljena žalba.

Stečajni sudija:  
Samra Spahić-Drino